

復齋先生龍圖陳公文集

復齋先生龍圖陳公文集卷二十

勸諭等文

安溪縣到任諭俗文

當職到任訪聞士風樸茂民俗淳美然恐教化之意
未明無以導其向善之方則風俗雖美未能盡循古
道今取古靈先生為仙居令教民之訓以示之曰為
吾民者父義謂為父須以義齊其家已勤乎善然
其子不兄友其弟弟恭其兄致子孝父能事夫婦有恩
相守為恩若棄妻不養男女有別夫有婦女有子弟
夫喪改嫁皆是无思男女有別夫有婦女有子弟
有學義廉取鄉閭有禮燕飲序老少坐立拜起貧

窮患難親戚相救錢借貸婚姻死喪隣保相助無情農
業無作盜賊無學賭博無以富吞貧行者避路少賤
避資輕避耕者避畔不相侵奪班自者不負戴於道
重去避來耕者避畔不相侵奪班自者不負戴於道
路子弟貧重執令役則為禮義之俗矣至哉斯訓今
宜告諭其弟子更相勸勉苟能行之則風俗益善無
思犯法為令者始可無憾如其不然則從事於法豈
士民之所不欲亦豈為令者之本心哉

安溪縣勸民服藥戒約巫師文

當職到官得見本縣山川環合民俗淳美宜其井邑
日盛生齒月繁而乃村落蕭條人煙鮮少推原其故

皆緣小民不知醫藥妄信巫師以為疾病死生鬼神
實司之不知聰明正直為神始靈決不加禍於無罪
之民假有妄作威福以徼祭享其鬼實不足畏直巫
師利小民錢財酒食以欺詐耳不惟損民之財使病
者不敢服藥以死是又損民之命今與巫約日後改
業如有盡惑欺詐以取民財者累贓斷刺許切隣告
然醫藥之利民所未知蓋緣山鄉僻遠倉猝間有疾
求藥於百里之外藥又非真如服土壤以病深之人
服不効之藥此醫藥之功所以未收巫鬼之惑所以
益甚而人丁所以未繁也今就本縣衙門創惠民局

量收本錢以濟病患仍有施藥併具數目復此曉諭
各請知悉

安溪縣勸民造碁基簿

當職不才試邑已及半年於民俗略已諳曉唯是訴
產一事每日有詞不免追逮勞擾誠不忍苟簡坐視
其弊夫有田則有產此邦之產真得什一之制私收
其九以其一供官以充天地神祇之祀豈非王民之
義人道之所當然今則不然買人之田則減其產而
聚產於出業之家出業皆貧民官又賦之則又逃亡
而已不知造物之理置田受產出租稅以充國家祭

祀之用則天福之以豐年不惟天福之予孫亦能世
守之苟坐享厚利而不輸租稅是得罪於官也已享
其利人被其害是得罪於人也縱使姦狡可以幸免
人禍天刑其可逃哉故今日之富倏而為他日之貧
此由處心不公得罪於天人故也當職愚陋安敢妄
有所施為念割產一事誠此邑之大弊今勸諭有產
之家各置站基簿二扇逐一開具鄉貫地名畝步四
至產錢官米若干經官印押其一自收其一在官遇
有買賣田業即兩家賣簿當官對割行之二三歲則
經界雖未行已享其利矣比如良藥雖少苦口實利

於病況此邦賢士尤多識義理者不少其吝為子孫
他日息爭之地更相勸勉期於必行榜到限一月日
賣簿到縣印押並無分文糜費各請知悉

田使府造站基簿擬事件

一今造站基簿只如人家造戶帖初無難者然恐沮
於上戶今欲施行須申

朝廷乞許本州禮請上戶無擇大官但行義為一
鄉表率者即請同共措置

一此事初行未免官吏並緣為擾須照每縣幾鄉每
鄉選上戶或公正為眾所推或才幹實有過人不

以寄居士人農民每鄉請十人令其勸諭人戶照契造簿各據四至產錢抄寫候簿成令永不側躬親按簿劾實結罪保明以待本州覆視

一此事既行其間多有未經稅契之人契未稅則不敢造簿一旦首稅必至典賣田業是利未興而擾已形謂宜特立限半年減稅契之半許首稅一次如遇限不首即是故犯雖罰無憾

一應行文書州擇吏四人縣各擇吏二人承行結立配罪不得取乞民戶一文以上官給紙筆日支食錢

一此令初行必有紛紜告產之訟宜先曉示許人戶限半年內自行陳乞告割州縣未湏受訴產狀過限不理割致被論訴定追罪不以蔭論其仕官之家不得以在任為詞

一簿成之後一本納官一本入戶收執兩家賣買田業契成湏各執簿經官過割批鑒數年之後自然產錢一一整齊不至如向者陰銷詭戶之弊

一造簿所載地改四至產錢官米並照元契俱具如是祖業無契亦湏明具四至不可包他人物及絕戶官地嚴立罪賞以防欺謾

安溪縣勸農文

此邑田疇狹少地勢硤确使人人併力而耕才可供一歲衣食計一或怠惰則飢寒立至可不思而懼哉則深耕易耨爾農固不待勸而勤也然農雖勤而所以害農者未去則徒勸無益所謂害者何也官民而不相孚貧富而不相資此二者害農之大者也曩時官司一切枝蔓追逮今一毫不敢擾民矣宜爾民體悉此意長幼趨善無至犯法今也恃官司之寬恤凡所命令皆邈然不應如催納工稅勸諭造硃基是也至於好聞喜訟尚多有之則官司何能不糾之以猛

是爾民必欲官司相繩以法而追逮之際不能不廢
業也今不可不改貧富有無相資為生今富者取民
之息必欲罄竭而不卹其飢寒不知農民一日盡償
必至逃亡則後日何所取利農民耕種必假貸於富
富室收穫在家乃不明還其主以致欠負不知今年
不還明年將於何處舉債是自絕其衣食之源也況
又有詞到官官必為理今官司既不妄追逮民當畏
法順命富者當卹貧貧者當依富爾父老其以令言
更相勸諭則家給人足孝弟姻睦為禮義富庶之邦
豈不偉哉今尚及見風俗之美以自信桴鼓之應云

南劍州勸農文

太守猥以非才來典茲土至是五月矣去冬適值旱
癘承 聖天子德意蠲舊租減苗米所以寬恤救燠
之冊雖粗究心而軍食莫繼今幸人口和平米價未
甚騰踊太守不敢恃以為安也春首分委官僚及寄
居賢士夫行鄉里勸糶米谷上中之戶各以鄉井為
念慨然相從劍浦所勸之數亦及數萬足為三數月
之食又去歲之歉所收不及其半農民因病或恃此
侵用不還主家致主家不願假貸今散榜勸諭俾主
佃各相寬假趁此雨後耕鋤田畝上下亦已相安矣

蓋古人有言田者不疆囷倉不盈婦女不疆布帛不
精此邦粒米狼戾平時不知愛惜又農人怠惰不力
婦女坐食無事蠶桑夫使勤勞以給之雖豐年衣食
尚恐不足況天時之不可必而人力可不盡乎有如
政之不平訟之不理劓刑酷凡所以傷動陰陽者
太守已深懲力絕之矣至於閭里之間聞狼戾訟之
習乖爭悖戾之風亦足以上干和氣爾父老其歸語
而子弟率而閭里孝而親悌而兄睦而鄉黨宗族庶
幾禮遜興行風俗淳美自然協氣薰蒸乖厲銷伏時
和歲豐可立而俟烹羊炮羔斗酒相勞則爾農之慶

也亦太守之願也今鑒古靈陳先生勸諭文在前爾
父老其以教諭子弟毋忽

南劍州勸諸行誼士人文

當職猥以庸虛濫叨牧養到官四易月粗知此間民
俗愧躬行不至無以教化然十室之邑必有忠信況
此邦山水竣清人稟秀氣異於他郡前賢鉅儒竝若
在望此風俗尤易於淳美者也已分委諸縣拜請行
誼之士諸逐里勸分其或孝於親屬於家行為鄉黨
所推學為士流所法委令佐咨訪姓名每都二三人
每月點請一二都以僕馬迎至縣設醴待之訪民疾

若凡政事之失則改之習俗之薄則諭之每月聞於
州當職間以禮招致至州如縣之禮加厚焉庶幾古
者師師之意教化既行風俗知義則獄訟息而刑罰
省吏亦稱職豈不美哉

勸俗

古人以孝為本故事親終身而不敢怠奉祀數世而
不敢忽故親生也唯知養親親沒也唯知祀親其生
也不敢厚自奉而汲汲以親歡為心其沒也不敢自
恣而汲汲以宗廟為事後世不愛其親而愛也人故
待賓之意常存而養親友薄事祖禰之禮常簡略而

事非其鬼常孝敬不揆諸禮可不謂大惑耶

龍圖寺丞復齋陳先生文集卷二十一

墓誌銘

直徽猷閣知福州林公墓誌銘

我宋有天下遴選藩侯謨訓具在孝宗皇帝尤所
加意乾道淳熙間循吏輩出莆郡亦有人焉如龔公
茂良之治洪王公悅劉公夙之治衢皆為世所稱道
厥後卓然有守剛方而吏畏仁慈而民愛廉介而士
服所居而化去而人思之沒而愈久不忘則故閩帥
林公其人也公諱柝字子方興化軍莆田人九世祖
攢以孝行聞唐正元間旌表門閭世稱闕下林家曾

祖傳不仕祖選故承議郎贈中大夫父孝澤故朝請
郎直秘閣贈正議大夫公中紹興二十一年進士第
主福州閩縣簿丁內艱分教常德府轉福清縣丞改
宣教郎以父年老丐祠歸養乾道五年用宰相薦召
赴行在不忍離膝下父勉使行在道丁外艱哀毀骨
立終喪不御酒肉不居內服闋再召對上諭宰相曰
林某儘忠實除秘書省正字遷檢書郎出知信州提
舉廣東常平茶鹽就為轉運判官移漕江西知泉州
召未至得旨林某屢更事任具著勤勞直除秘閣福
建路轉運判官 光宗即位召拜吏部郎中除直煥

章閣江東轉運副使知明州進直徽猷閣知福州卒
于官享年六十有三初入對言陛下慨然有意唐太
宗之治而治效與正觀若不相似然所用大臣有如
房玄齡魏徵者乎太宗相玄齡二十三年相魏徵十
有五年陛下誠得如二臣者而用之能如是之久乎
夫持祿固寵之臣似無過而緩急無所用骨鯁慤直
之臣似無用而大節非人之所能及願陛下接之
以礼厲之以義平居有以養其心臨事可以盡其力
又曰兵強財豐未足恃所足恃者人心而已得人心
之實脩德而已脩德之實內焉立誠以脩身事親外

爲推誠以下賢惠民是也知信州陞辭曰陛下嘗
詔輔臣朝廷行事是非惟有公議若士大夫言清議
者不宜有此語臣謂公議云者人心所同清議云者
理義所在二者同實而異名清議者忠臣節士之所
慕權倖諛諂之所憚陛下又何惡焉又曰陛下優
崇武人意之所向容有偏焉唐末藩鎮流毒宇宙州
縣武幹皆其私人太祖用文臣銷藩鎮以縣尉易
鎮員真宗初置武臣同提點刑獄不使專也嘉祐
罷之又祖宗之法不用武人為大帥必命文人為
經畧以掣制之劉摯以為用意深遠今武憲無副貳

之名又自內郡之守百里之宰皆用武臣參之陛下之意猶以為未足也方面專制又將以付之長此不已何異唐之季世其為郎也言漢宣帝徵霍氏自親政舊臣張安世皆曰慄焉而洪恭石顯親近用事魏明帝沈毅好斷政自己出而內倚孫資劉放寧制時政公卿大臣不與接者辛毗一人而已朝無直臣司馬懿之勢遂成可不為今日戒信州兵驕公始至裁以法物力擾民曰此手實遺法也以官錢代輸使廣東減鈔鹽額除增收錢大奚山外寨以捕鹽為名殺略商人守帥諱其事公以實聞於朝移鞠憲司卒

得其情使江西諸邑以科罰充無名之賦一歲十萬
緡公歲取以漕司三萬六千緡減免贛之支邑三萬
緡有奇於是一路無科罰先是豫章大疫死者多不
克葬公瘞浮腫二阡為冢六百九骨函五百一十三
士大夫家貧不能自窆賴公以窆者又三百腫以其
法推行之十郡泉州游饑公舉荒政閣租賦禁預借
關外雜稅歲三千緡豪民買楮於官而漁利數倍州
舊置坊鬻鹽民苦科配公悲罷之使福建江東汀州
總經制錢寧化泰寧甯苗米廣德建平和買皆多取奏
錫其額宣城令張宗穎倚勢為虐守曲庇之守親王

也故言者莫敢問公劾奏無所避知福州簡訟寬賦
始侍郎馬公丞相趙公欲麗城不果公遂成之周環
四千丈竣事而民不知公孝廉剛直出於天性恭儉
好礼正身率下無慢色戲言官僚畏憚不敢為非然
平生劾吏自張宗穎外他未嘗輕有按舉少時植立
為丞時以執事白府袖書辨是非帥以威折之莫能
奪至裂其書于地公徐取之以進如是再三帥卒悔
悟未嘗假人顏色為諂語以媚上晚在四明太師史
公浩年八十餘被召將行謁公冀公有禱入為天子
言也公寒暄外無他語太師曰某荷上恩老不能行

柰何公曰此在太師耳客有竊聽於屏後者愕然其
質直如此凡所歷官世莫不以為楷式廷日常奉詔
舉諫官御史皆以公為稱首雖未及用而功德所被
幾半天下使得行其言於朝汲直何以加諸夫人黃
氏考功郎官公度之女子男五人女四人尚幼公之
卒三十餘年矣故吏部郎中鄭公肇之已狀公行獨
墓隧之碑未立孤及之猥以屬某曰諸老凋謝子之
先人於我先君有舊子侍側通知二家志盍書之辭
不獲命於是犯不韙而為之銘銘曰

惟孝與廉

百行之全

大者既立

功業從之

公之九世

祖以孝旌

暨公父子

清白是承

行脩於家

化被於國

玉雪其操

潛草貪墨

立朝不久

言未盡酬

麾節所至

民瘼則廖

古人有言

遺直遺愛

公實兼之

百世如在

持齋先生鄭公墓誌銘

大學中庸之書歷春秋而下非一世經師儒之覽非
一人未有灼然知其為入德之門傳心之法天啓文
治我宗二程夫子始表而出之淳熙間道化盛行

朱子以天性之純明加師友之講習積四五十年不
怠之功然後是書闡明貫通揭如日月坦如康莊目
視足履小大無疑一時門人更迭來執經受業者
半天下吾鄉之士方且溺於功利之習而升夫子之
堂僅三數人焉至於講明窮理正心脩己治人之道
備之於身身夫二帝三王周公孔子孟軻子思所傳
之心至精至一執而不失而為朱夫子之所謂道贊
美者則未有如持齋先生者也先生諱可學字子上
系出於周威公友與午渡江平難將軍庠始南徙由
庠而下五世孫諱褒為太府卿始居於莆田力學好

脩世號南湖先生曾祖諱謨祖諱思默父諱仕謙皆累舉進士不第先生幼而文冠而孤撫諸弟教授生徒以自給淳熙己酉鄉以貢于礼部試不利癸卯與兩浙漕薦考官今福建帥侍郎蔡公幼學稱美其文詞春有司又失之是歲與弟仲伯偕進偕退乃謂仲伯曰吾女弟年及笄猶未行歸賣疇先嫁之使無失時我始以覓官為急今年壯乃知未聞道為尤急我聞朱先生傳道之統真所愿學也遂衆糧千里跼門求見先生一見恨相遭之晚握手評議如夙友焉蓋持齋先生窮理盡性持心守身一以聖賢為法其所

未達於閭奧者一間耳故見其師若曾子之於夫子
師視之如夫子之於顏子道同氣合率終歲一歸歸
則以書質所疑有問斯答如環無端皆前聖所未發
之旨朱先生之守臨漳也虛子弟之師席俾先生西
鄉而坐既而歸富沙也則又虛席以書招之且致諸
子孫慕向不忘之意至再至三又不已爲其所往復
之書有曰此間難得人講論每深懷想又曰近日朋
友少看得如此深惠鄙懷又曰斯道不絕如綫唯冀
勉厲以副所望皆親蹟不能悉舉也嘗以大學一編
晚所刪定示諸生曰此書欲付得其人唯子上足以

當之其親傳而命如此故四方學者至卽有問必使
先生正之而仕之來南者命必見先生而後行其所
尊敬又如此故先生之名實榮於時未常有枉己為
人意而諸公名人皆欲招致不可得故與大理卿曾
逢工部侍郎曾逮為忘年交呂寺丞祖儉李郎中孟
傅詹監丞徽之廖郎中德明鄭郎中肇之皆知敬愛
從叔軍器監臬仕必與諸先生與人交氣和而清竟
日端坐不見怠容誠信溫恭其所誨誘皆為名士晚
與古靈先生之孫故廣州太守朴遇於湖南與致合
浦率五鼓危坐聽先生講書一篇然後視事逾年不

輟有以見先生師道之行於人也前後三奉大對嘉定辛未勅授忠州文學是歲冬廖郎中為廣帥招致郡齋明年壬申秋親友勉先生調選今廣西憲方公信孺時守春陵屈以偕行至則湖南漕曾槃留攝衡陽戶曹還其轍至豫章卒于豐城享年六十有二春陵守徐公杞解組歸過於道買棺以歛方公遣使奉敢于臨江軍其弟仲伯哭往護喪交友歸賻致贈賴以不乏用癸酉七月一日抵里門治命以妣公素為後年二十有一仲伯自兄之死哭泣逾時而哀服心喪三年蓋師之也明年甲戌當廷試不就可以知先

生之友愛矣遺文有春秋傳議十卷三朝北盟舉要一卷師說十卷詩數百篇先生不喜為詩遇事感發時出一二朱先生嘗止之以故不多作然亦已駸。江右之風頃年時事一變登朱門者畏避退縮先生獨相從於寂寞之濱嘗曰吾所聞於師者皆精微要妙口傳而不書者也吾老矣不可獨善其身將書之淑斯人某嘗恨為童子時侍先君閑居間朱先生自建上來訪留月餘及丁未歲先君薨先生又來弔時某皆年少未知求教至今追悔無極也所賴以扣其不傳之祕者有持齋在今復已矣豈非命哉嗚呼士

生斯世朝聞夕死孔門臚之吾鄉曩時諸先生如夾
際之學博文雄艾軒之理精思古皆足以暴白於後
世而求其得百世之師而教育之以致於卓然成德
則先生此樂未多遜也所得如此宜外物不足
莫有日仲伯走安溪謂某曰而嘗從吾兄遊知之深
不可不銘銘曰

惟朱先生

續道之真

友已教子

實難其人

先生脩家

本与道合

一見而契

如虛斯納

壺山之下

朱紫則多

得道之傳

其人幾何

我作銘章

刻之幽室

四尺者封

千載一日

參議趙公墓誌銘

朝請大夫福建路安撫司參議官趙公諱公邁字志行以淳熙六年冬卒葬於金雞山之原後廿八年其子彥厲丞泉之安溪始至為某言曰吾先人奮弱齡舉進士歷二千石叅謀帥聞不為不遇而喜庶好施家無遺資故遺言往行雖已輯錄而兄弟仰給斗升不能遠求當世名人銘而納諸幽每一興念未嘗不恨今雖已遠痛猶昨日也子好古文其為誌之某辭

曰而考前輩盛德人也某生晚學識淺昧其敢犯不自量之譏且誠無以贊揚碩美請三至乃喟曰而考行應書法塗之人至今猶能誦之況有鄭清卿之狀在子又誼重請堅其可辭按公系出宣祖皇帝為魏王六世孫曾祖諱克脩右衛率府率贈同州防禦使上柱國天水郡開國公贈崇信軍節度使追封少師尹國公謚孝齋考諱持之武經郎累贈中散大夫孝齋公事君奉親克忠克敬好學空金帛以市書有致君澤民志嘗竊嘆名在屬籍不得陳力就列無以自見於世語聞仁宗賢之親書忠孝公邁四字以

寵之公拜受以示訓諸子窮日夜不怠元豐初始用
貢舉法試宗室公子撫之百之臨之皆擢高第邦國
榮焉中散公其季也厥後丁時多艱厲建鄴及卒公
與昆弟避地無常居紹興初元復寓徽州公弱冠
以詞賦中選授保義郎食祠官之祿十六年再試國
子監再中之擢廿四年太常第賜進士出身以從義
郎易授在宣義郎知臨安府鹽官縣丞江東部使者
高其能俾攝徽之休寧尉邑有胥抵罪命公籍其家
公問其子何業曰業儒公憐之曰汝父犯法家貲當
沒入官吾不能汝庇汝既儒業能勉力起家此直毫

末耳其人感泣而去後果登進士第為顯官識者謂公能以一言勵士如此尋攝尉婺源能嚴益軒鹽官戍及協理一邑無所不用其至遷僉書威武軍節度判官廳出公事兼西外宗正簿太府事叢部決無疑上官竒之終更愛其風土因居法海僧舍轉通刺處州未上知大宗正事士銖以公能行薦孝宗召對擢知衡州湖湘唯衡為劇地瘠民貧外臺錯峙供億常惧乏事又承彬寇李金嶽拾之餘公私如掃公勤以握吏寬奸以撫民瘵居二年用饒家給民愛之如慈母及歸相与號泣遮于江臯不可得則繪像以祠

之部使者以聞詔中書記公名拜信州改澧州以貧
不能遲次丐主管台州崇道觀添差福建路參議為
之四年以疾卒于正寢享年六十有五由武易文階
八遷為朝請大夫娶宜興蔣氏太師魏國公諱之奇
曾孫有賢行封宜人後公八年歿祔為男六人曰彥
汲曰彥淵曰彥渙皆先公亡曰彥安邵武軍建寧縣
丞後公卒曰彥向南劔州法曹曰彥寓泉州之安溪縣
丞皆以公任今為從政郎女三人長適朝議大夫知
泉州金興次適新安進士汪時發次適福唐進士陳
鑄孫十八岩夫文夫惹夫忍夫愍夫厓夫愍夫塾夫

壑夫楚夫皆業進士孫女七人二已行餘尚幼曾孫男四人時德時瓊餘未名公天性忠恕喜怒不形于色與人言唯恐傷之傾心竭誠表裏如一而持身居官廉介正直遇事鯁亮不為苟同必盡己見無穀色玩好之欲而篤嗜於書下至醫卜釋老稗官之說亦攬其華以資為詩與溫陵陳知柔永嘉林元仲桐鄉朱輅艾庵李洪相唱酬有詩三百篇曰遺興集藏于家故當時名公要人知己者不少如金公安節趙公子瀟陳公正同邵公大受張公孝祥榮公巖皆嘗荐於朝而公雅不好進不忘韋布之樂所得俸賜隨即

施予昆仲之孤撫而養之費不問餘以市置田宅為
耻故貴而無家糴粟以食嗚呼可謂尚德君子也已
銘曰

皇皇宋宗

異人所集

偉哉孝齊

盛時特立

忠孝之報

未及中散

篤生參謀

奮自弱冠

婁以秀貢

擢第太常

去武而文

祖考以先

十有六年

食而不仕

克艱克勤

始就乃事

居守佐帥

績茂五官

不富而仁

賢者所嘆

聞子聞孫

享有餘慶

我銘此詩

以驗天定

告院龔公墓誌銘

公諱堪字少任八世祖孫錢塘入閩為興化軍人祖諱茂良淳熙中叅預大政于時朝綱大振四夷賓服天子敬之以前為諫官時排狠權倖至是陰為所擠謫居英州父諱昇宰福州永福縣棄官侍行公時年七歲秀穎絕日與祖父更相酬詩以祛其憂參政父子竟死英州公時九歲旬旬拜哭扶雙柩以歸歆嗚哀悲行道不忍聞少長於書無所不讀為文精麗清絕操筆立成儒生文士往往歛衽避席用叅政公

追復恩授承務郎以詞賦魁吏部調監泉州南安鹽
稅丁內艱不果上改監台州寧海縣長亭鹽場充福
建路進士貢到官刻已奉職公私与足民為祠之秩
滿遮道願留轉幹辦提領建康府戶部贍軍酒庫歲
入浩穰吏相囊橐為姦公一正之課以大最遷辰州
沅陵令故事迓新之費官僚之俸於吏民焉抑取之
公先期戒絕民蠻戶歌之自始仕至是歷三官名公
帥守部使者如尚書張公杓今叅政樓公鑰大諫傅
公伯成以治績文行薦于上者凡一十一人牘滿公
車轡溢播紳之口亦既籍其名於中書矣公退避獨

介念祖母大夫人高年卒調京倅以歸遲次五年愉
怡左右關至大尹趙公師石奇公才空一府事屬之
公部決無留思視民間疾隱不翅如在已釋小民犯
錢禁久繫不能償贖賞之金者數百千人歲疫且飢
公家至戶視候其色氣品其藥劑賑以粟米所全活
不可筭計居四月能聲軒甚司諫范公之柔薦于朝
於是選授提轄鎮江權貨務時鎮江建康兩務皆以
兵興後窘不可支而鎮江差易幹治朝命商公逸卿
督建康務逸卿告公曰某之兄飛卿死于總領所今
又往重傷老母心公懷以易播之義慨然從之淮甸

飢民流離寇攘大作宇盆悉壞鹽商掃迹公以仁治
財民有負綱運米羈其船四百餘艘囚者數千人公
一日蠲之罇心阜通之政權務月供軍餼及待朝廷
不時之須為緣百萬期會迫不可移一日乏供則悞
國大事且死公援比丐朝廷補助經費適丁多事內
外俱匱宰相美辭慰答之才与百萬公轉移假貸以
無為而有暮年又六閱月軍不知乏而公憂危成疾
哀呼求去章數十上朝廷難其代卒不聽公既竭力
支吾於商人不通之時其後復業則力革其弊申明
新舊對帶与夫創總庫專賣交子之法移文倉司以

草折鈔之弊旬月之間為利甚溥民樂趨之錢餘於庫者萬百緡詔擢公主管官告院公踰年盡瘁及是始享其功而病且死矣上憫其忠賜緡錢千以旌之嗚呼自古人士懷竒抱器道不信於友功不見於世鬱、不得志以死何可勝嘆孰如公幼則邦人父兄稱舉以勉其子弟壯則達官要人交薦以達於冕旒方國用之窘劇任重務才智縮首莫不曰唯公可當其事公亦奮不顧身曰非我孰為國任此事者卒銷大患於泯然無迹之際上嘉公能列位于朝夫聞望如此事業如此而駿、顯榮又如此則公不為不遇

道不為不行唯祖孫三世死不以私而公壽止四十
有二斯其可嘆也已公性不喜殖貲產輕財尚義平
生無所嗜玩好為文亦不自愛重任其散落在藁者
若干卷與人交久而敬益懽死之日聞者流涕官積
階至員外郎其配安人林氏艾軒先生侯子也勤儉
能家与二子昇樞還鄉以某年月日葬于某鄉之原
長曰某以公蔭授將仕郎次曰某治命為公弟後某
不肖忝遊從踰卅年又娶公沒女弟知公為深二子
以書來請銘曰子毋以不能文辭某泣不能辭銘曰

矯、大夫

奮自孤童

有藝有才

時艱是逢

國事以濟

卒隕其躬

三世南北

咸死於忠

厚功薄報

其後必封

孰云不信

識此幽宮

知縣王公墓誌銘

紹定庚寅秋八月朔王君侯袖書一編訪某曰吾父
寧德令君以嘉定庚辰歲卒于官舍嘗卜葬松嶺溪
西不利今以十二月丙寅日始克葬壺山白雲峰下
治命屬子銘某廿年前嘗入漕貢舉場倍公研席往
來建劍二州道間款昵如兄弟文雖不足發公才業
之萬一要為知公誼不得辭君之族自晉文獻公而

來為江左大姓先世居泉州皇績仕至虞部曾祖言
祖宥贈朝議大夫考進之朝議大夫知常德府君諱
必成字宗可弱冠以詞賦先曾監厯泉州九江戶曹
參軍建寧理椽山陽戶椽攝江淮制司幹官專元戎
書記之任以薦改宣教郎福州寧德令以賞增一秩
公之在九江也厯事三守侍郎徐公誼給事余公崇
龜大卿蘇公令憲皆延入幕事無大小必以屬君而
其書擬所稱賞者知出公手倉庾出納一切罷去獎
例所供賦貧窶粟均平無高下制募也海寇吳鐵頭
猖獗江面數千里患之君請其兵聞於朝嚴捕戢之

令未幾獲於處之龍泉長江以寘尚書蔡公幼學師
閩君奉檄一見即刻薦其行能於朝有北人詐稱為
皇孫官吏惶惑公析以經誼立致其罪寧德邑小而
遠臺府豪民循習陵轢鰥寡莫敢誰何公至一繩以
法皆斂迹相戒曰此清嚴令尹謹不可犯邑負山瀕
海吏卒囊橐為姦往往潛入鄉落積為販負者害至
有遭攘徒手號泣而歸者公一切禁止吏給牌自隨
稽其出入田里帖然前後積弊民冤莫告公至競來
求直訟牒日不下二百餘公剖決如流庭無滯訟台
府積案牘九十餘事皆數年不決者聞公精敏悉以

送公裁處詳審旬月盡決訟者咸服邑有漁艘千餘
皆不及等每防秋於濫科公一日集于江岸為籍其
尺寸上于府永絕追呼之擾下車半載害除利興民
方歌詠而勞以感疾病中猶剖決事如平時一夕而
逝父老愛惜如喪親戚越明年小祥士民舟人相与
素服追念於釋氏之庐其得民心如此君為人孝友
出於天性精悍勁正當官吏不能欺民靈刻剔不盡
不已嗜書至死不釋卷為文雄健刻深出語必警衆
在舉場自朝至夜聲吟營度至嘔乃已故六十礼部
舉人皆服其能世之士者徼倖於一中而學術漫不

究業溫飢於一官而政令漠無所聞若君者一第始
可言命而作令真不負字民之職矣享年五十有三
娶林氏先公一紀卒繼室方氏故少卿銓之女子男
三人曰俟曰慈曰昇慈昇早卒女二人長適進士鄭
知詩次適鄭漢傑孫男二人英生茂生銘曰

勉一為學

有進無止

矯一為官

以廉為惠

五十有三

足以名世

所積者多

是遺後嗣

贈宣教郎林公墓誌銘

易稱積善必有餘慶書稱作善降之百祥天之報施

如燭照數計歷攷古今百不一忒莆郡支邑曰仙遊
邑大姓曰席林麻氏聚族二百餘年矣自曾伯祖正
奉公豫擢熙寧進士第歷典七州惠愛可紀坐薦二
蘓入元祐黨籍叔祖兵部郎中師說以清介剛直顯
名閤門宣贊舍人師益靖康死節龜山楊先生嘗荐
諸朝號為聞家過其門者式焉公諱如羔字子裘曾
祖草不仕祖伯文以伯父正奉公豫之蔭授承信郎
父若樸不仕公天姿穎敏於書無所不讀從父軒林
先生光朝左史陳公士楚學為人寬厚長者未嘗与
人校是非曲直身居長嫡友愛諸弟宗族無間言生

於紹興戊辰沒於嘉泰壬戌以子貴贈宣教郎配孺人陳氏故漳州通守仲珪之女公中年憂未有嗣續一夕夢神人告己竟而識之屋壁後十年黃氏孺人果生二子長曰日選登甲戌進士第今為承議郎知泉州安溪縣謹身愛民不為隣寇所動邑人安之次曰日邁習進士業公雖不仕而家居為善教子淳、不殖產營利鄉黨稱德蔣溪石梁凡數所皆公先世所建高曾積累既厚而祖考繼承復不倦有後固宜銘曰

取必於人

不如取於天

身之通顯

不如子孫之賢

已過者泯

方來者延

深耕厚獲

自古則然

處士林公墓誌銘

公諱師古字子平興化軍莆田縣人其先自長城徙居國清曾祖国鈞故贈承奉郎賜緋魚袋祖充故迪功郎南安軍司戶父浦從父軒林先生游士人稱之公其仲子也性謹厚事父母孝承顏順色無違父母殁事其兄嚴如父家事無大小稟命而後行先世經史圖籍謹藏不敢失墜常以戒子孫厚於宗族嘗言古人聯族睦親非燕不行時節伏臘雞豚酒醴相与

通情。既通則氣自和一門穆如無間言治家有法
和而不流見其有嚴厲之色而中有不可犯者存樂
善好施出於誠心視人飢寒如出諸己讀書務究理
義躬行有得不徒為口耳之學素有隱志所居必洒
掃焚香獨坐以退靜為樂勢利紛華人所不能忘者
君泊如也嘉定庚午築室於國清塘之湄號曰南山
草堂具扁舟日与客飲酒更相唱和風朝月夕樂不
厭也晚歲為壽藏以宝慶年甲申六月終享年六十
三初艾軒林先生以文章道德領袖莆田學者四方
來從不遠數千里作文必有法事親必孝事君必忠

居官必廉奉已必約衣冠動趨必合乎礼濟、然穆
穆然里社相遇肅敬端重行人知其為艾軒先生
徒也君幼聞父訓不教以能故事親從兄睦宗敬友
有名儒風化其然也死時出婦人於室外沒於友人
之手里有病涉者梁之而後瞑斯可尚矣配鄭氏監
簿友堂先生之孫也先公卒葬於上莊之原子二人
長曰願翁好學早世次曰雷震居太學女二人長學
浮屠法為比丘尼次適友堂之曾孫斌孫男三人將
己二月己酉葬為其孤雷震以新昌丞黃叔旬述君
之行來請銘某病不能執事三至不倦親黨鄉閭皆

曰善人也誼不得辭乃為之銘、曰

名儒未遠猶典刑 以儉為寶經充篋

有子虞庠祿帝京 好德令終斯可銘

吳氏夫人墓誌銘

夫人姓吳氏諱守初興化軍莆田縣黃石人汀州刺史諱瑤之女廣東運判薛公諱元肅之婦建寧府合同場諱若水之妻合同力學好脩稱於鄉里初仕未祿年四十而逝夫人年亦盛銜哀茹痛事舅姑不懈嫠居二十年舅沒姑老盡婦禮如初嫁時夫人長子宦遊夫人不忍去侍側晝教諸子夜課婦工寒暑不

變夫人之歿也姑李氏年八十哭之過時而哀夫人
自少至老身無私財節衣縮食攻苦食淡怡然無戚
容紹定戊子秋七月十有二日以疾卒享年五十有
八男三人季良從政郎惠州司理叅軍季厚從仕郎
邵武軍光澤縣尉季澤將仕郎女一人適承議郎主
管華州西岳廟黃非熊孫男一人孫女四人以庚寅
九月丙申葬於城北雲澤之原司理君泣謂某曰吾
母生勤苦死不逮養且死時季良方調選不得視病
訣別負終身痛子其為我銘某甥女適司理君知夫
人行爲詳誼不得辭銘曰

處身如寡

節堅而行苦

是為薛氏之婦 三子之母

參議鄭侯墓誌銘

嘉定乙亥歲某与侯同仕於朝侯監左帑居數月念
太夫人老不可迎以就養謁告省侍是歲夏旱軍儲
民食有不給慮朝家因命奉檄諭招閩中米艘侯奉
以行至則以誠意致朝命民應如響以斛聞者十餘
萬同列有間甚者曰侯之歸省藉上命為榮所過郡
邑体同王人饋勞煩擾語聞言事者撫以為實侯遂
被謾無敢與辨者侯清約人所素知侵顯不異寒士

近世官至令長適千里百須皆備侯僕從不過八九人舍宿旅邸雖寢具不以自隨而謂騷動郡邑以邀饋賂將誰欺乎侯自不為寃怕笑自若嗚呼若侯可謂威德君子非耶侯諱浦字仲淮興化軍莆田人也曾祖諱紹祖諱良臣考諱獵得侯登瀛熙進士第主福州長樂縣簿轉丞泉之晉江用薦者改京官令處之慶元臺府交上政績擢監左帑奉祠二年通判信州丁母夫人憂反吉調循州通判改知南恩州到官一考力丐開改叅江西議幕歸抵家旬日卒厯七官而所書考終有十一自為長樂主簿時已能自立不

阿邑有豪民以利吞民田與吏為姦訟累年不已福帥下其事於侯。得其情立決民感伏而去漕台患鹽筴不登以薦書誘三邑主簿使督之皆爭趨恐後侯獨密䟽利病以部使者賢而薦之有顯官以田券求稅而不輸其金侯封還之曰其寧獲罪不敢自欺又決大官田訟分辦曲直將以誠意大官反重之為時開禧軍興須海舟甚急吏並緣為擾侯躬至海鄉以見存舟及丈尺者籍之商人帖然石井巡檢官白太守曰某舟不可用時太守嚴不可犯械使易舟為期峻迫侯亟入府言曰舟危道事不厭細寨官之言

不足責且舟非寨官所能辦盍命邑之易守寤寨官
得免攝主管舶司於番貨一無所問弊例所入一切
絕之蚩賈咸悅宰慶元也草科罰之害數條民歌於
道和易近民訟為衰止楮幣中嚴官吏以苛急為能
不但得罪部使者行縣將及境民恐令得罪自為供
張以待甚盛侯驚訝曰我未嘗風戒也充役罷者感
侯之惠願以家資當允楮折閱費富室効而為者數
十人不三日為鏹千使者以辦聞官滿民爭走送有
越境者中間居鄉則葺輿梁以濟涉為廬於道旁曰
福田以療病其為郡也蠲三邑捕賦以萬計郡以藍

為富侯損其賈節用取足僚屬為苛守所各俸金皆
代償之壬午歲颶風大作明年米翔踊侯亟發廩以
賑不俟使者之報仍喻閩粟往哺之鄰郡民有盜入
境獄成法當流侯原其情輕之廣府新會縣境占郡
接民洗氏與州民吳氏有私隙以鹽訟于州及府侯
廉知其非盜罪洗氏初侯之臨遣于天子之庭也言
州縣輸納版籍不明防秋海舟役使不公二者皆侯
之所親見者侯為人事親孝居父母喪蔬食骨立与
人交以試言咲怡怡未嘗有怒色故自少至老由賤
至達未嘗有一疵之可指溫然其容事有不可者善

道人皆信服高年六十有六以嘉定十七年十一月十一日甲申葬于莆田縣雲峰之原子一人大椿將仕郎孫二人初侯嘗命某銘其考朝請府君之墓某自唯言納無補潛兆侯請不俸至於垂淚今侯之子以侯銘謁者至再其忍辭銘曰

以詐取詐

詐窮則乖

以誠馭詐

有感無猜

退不待老

願早克諧

彼古君子

亦何人哉

前室孺人梁氏墓山壙誌

孺人泉之晉江人也曾祖父諱熙故贈太師英國公

大王父諱光贈太師魯國公王考諱克家故任時進
觀文殿學士鄭國公贈少師謚文靖文靖公自奉大
對擢第一不十年至宰輔再相 孝廟文章德業傑
出中興名公鉅人之右孺人其中女也未行以丞相
恩封孺人母秦國夫人鍾愛擇對年過笄紹熙壬子
始適某為陳氏婦天姿嚴整動中礼法識解過人持
身理內纖悉井、八門既饋親族交慶妣魏國夫人
嘆曰使我正獻公無恙得此佳婦寧不為吾兒喜語
且悲時某侍旁不知涕淚之橫集也嘉泰壬戌中秋
二十五日以疾逝於文靖公之第享年三十有四子

男三人長曰甲三歲死次曰圭承務郎孺人事秦國
尤孝歲時歸安油、翼、不忍輒去及是秦國念之
不釋勿欲其藏之遠也某暹勉承意即州之葵山葵
烏用撫其凡以納諸幽嘉泰四年歲在甲子十一月
十四日壬申奉議郎新權知廣州東莞縣主管勸農
公事陳某書

前室安人梁氏改葬下余壙誌

安人姓梁氏諱妙惠泉州晉江人也曾祖父諱熙嘏
贈太師英國公王太父諱光贈太師魯國公王考諱
克家故任右丞相少師謚文靖妣秦國夫人陳氏紹

熙壬子以安人歸于莆田陳某嘉泰壬戌中秋歸寧
廿五日歿於文靖公之第享年三十有四累封安人
秦國鍾愛不忍其葬於遠也嘉泰四年十一月壬申
窆於泉州南安縣葵山之陽相望異鄉非歲時伏臘
於松楸之日有限窮山荒源瞻顧者怠追悼在心及
是始克改葬于莆田縣之下余村陳岩山之麓子男
二人長曰甲生三歲死次曰圭承務郎新差江東淮
西總領所排岸兼監行宮雜賣場

王氏夫人墓誌銘

夫人姓王氏諱惠真潮州揭陽縣丞諱震之長女生

九歲母夫人方氏歿夫人實主內事贊府公愛重之
及笄適市舶趙公諱彥驤事舅崇道公盡婦道以孝
稱敬夫如賓雖小事不敢專必咨而後行崇道卒居
喪盡礼市舶繼卒二子少稚叔姑皆幼夫人年并一
哀苦自誓閤門百指節縮營辦以取給又能極力舉
舅姑及其夫之喪其卜兆始窆率以身親之時族之
賢者如郎中趙公伯達昆仲咸敬嘆焉二子少長飭
令從學擇師而教之叔有室姑有歸咸為成人長子
寵夫登慶元三年進士第次甯夫登嘉定十六年進
士第諸孫亦皆勤學世其科時節慶賀子孫諸婦列

拜進壽里人咸以為服勤教子之報夫人治閨門甚
嚴待宗族有恩其於奉先也尤謹子婦之始至教之
以礼如嚴師焉好義善施家雖貧客至治具不問有
無春秋蒸嘗凡刀七盤匝之奉必躬必親其執饋也
洞洞属雖老不懈少喜浮屠老子之說晚而課其書
日盈萬言病革神閑氣定悉召男女至前与之訣其
處死生不亂如此紹定元年十月六日丙午終于正
寢享年七十有九其明年十一月朔乙丑葬于廣恩
山之麓子男二人長曰寵夫從事郎建寧府觀營判
官先夫人十二年卒次寘夫宣教郎前知漳州漳浦

縣丞女二人長適進士方拱辰先卒次學浮屠法為
比丘尼孫男七人時楚從事郎漳州長泰縣尉時棟
文林郎新泉州司法時樸從事郎吉州廬陵尉時楫
忠訓郎興化軍稅官時析習進士業時秘時概早亡
孫女一人適進士方益之曾孫男六人曾孫女三人
皆幼嗚呼自昔正烈之婦經史班、雖遐嶠幽閨靡
不備錄所以厚禮義崇風化也夫人年盛而守節不
以家貧累衆而他其志用能難苦儉素訓子業儒使
子孫登第者凡六人克昌厥後豈非脩身房帷取必
於天而然耶銘曰

求忠臣必於孝子之門非是母不生是子古有此言夫人是似唯終身不失於正節宜再世多有於賢嗣

承奉郎林公墓誌銘

君諱立義字子宜興化軍莆田人也曾祖諱國鈞承奉郎致仕賜緋魚袋號年回居士艾軒林先生嘗銘其墓稱其盛德子孫多沒艾軒游祖諱充南安軍戶曹叅軍考諱浦君其長子也君少失怙事母孝撫諸弟人無間言治家勤儉招延里儒以友以師其子應雷遂由國庠舉礼部不中昏于天宗贈太師潤王

孫女授初品官尉潮之海陽期至迎君君曰仕于南方孰與吾享鄉居之樂回年暨君四世皆以林泉自適無汲汲進取意故肯堂考室蒔花植竹歲美月新暨君益張大之穀城國清為莆邑山水絕勝處君家獨據其要鄉之大夫士有終歲慕羨不得一至者君雪舟筇杖日徜徉其間以考壽終可謂無憾而鄉人咸期君方面豐下康強耒艾一疾而逝為可嘆也初子孫以國需恩官君京秩實有兩朝之寵命然非君志也娶贈太中大夫吳公某之孫女子男一人應雷先君卒於海陽女適故從政郎賓州教授陳鼎玉孫

男三人以寶慶乙酉孟冬丙戌歿於正寢明年正月
庚申葬於莆田縣鄉福山之下蓋君所為壽藏也某
於君有姻黨之好其孤請銘義不得辭銘曰

穀城如玉

國清如水

考槃之志

祖考是承

福祉具有

不假寵榮

種德不怠

後必有興

改葬祖太師冀國公壙銘

皇祖考太師冀國公陳前祖妣越國夫人黃氏舊合
葬于寶忠紀孝石泉寺之東陲弥林嘉定癸酉秋八
月水齧其墓明年二月丁未改葬于寺山之陰曾祖

考太師蜀國公墓之左奉祖妣翼國公夫人卓氏祔
爲其穴乃建安西山先生蔡季通淳熙丁未年所定
是役揆之禮經謀之宗人質之祖廟禱于大神罔不
協從用表其繇以示後人俾之不容已不知輕也如此

贈通直郎鄭公墓誌銘

鄭於諸姬爲近代有顯人中世以來八閩者磊落相
望公之始祖唐太中初自北而南經行福唐抵蒜溪
樂其寬閑因居焉累數十世四百餘年雖皆韜晦田
畝然其高曾祖考所以積善種德開先壽後非一日
矣至是赫然爲名儒顯族正所謂起其宗大其門者

歟公諱獵得生而穎悟少長學日千言博通經史百家之書矧不倦為文為詩時輩不敢与齒交

廣奮處隆基試中國庠肄業三年一日語其友

諫議李公大異曰今之月書季考大抵競進爭名古之所謂學不如是也我當退而脩於家淑諸其徒不亦善乎李公留之不可歸教授生徒來學者甚衆油然而得若將終身舊交故人多處華要未嘗以書往來光宗受禪李之士俱沾恩異故右史陳公士楚素厚公時主國子監簿貽書勉公亟歸鬻舍公曰此兒曹事吾尚可復出耶明年子浦擢第春公戒

以靜退無躁浦奉命唯謹一再調官皆鄰郡

便侍養明堂礼成恩及高年浦屢以請公力止之請公貴人有勸浦田榮親非子職而必告耶告則不得不若不告也浦因事詣郡列上其事恩俾京秩命下公已不及見矣先是公嘗夢浦以一卷書若告身者讀於前公閉目而听之已而果然公性倜儻而脩身飭言若不能出諸口賓接人士不以貴賤長少異飲必尽歡平生溫恭與人無間言鄉閭有不直者必詣公一言平之皆感悅而去公居家教行於鄉如此使得位治人者乎高年七十有四

葬于双峰寺之東娶

縣人也事舅

姑盡孝公之歿夫人紡績衣諸子課其學業見其子

以績擢為左帑官通刺信州未上而夫人卒年

十三初嘉定丙子浦之由左帑以煩言歸也懼貽

夫人憂夫人曰吾國安於貧況有祠廩足以活吾母

尚奚須其知止足如此識者又知公之教行於家

弟 之日章孝友力學於世味泊如也不授室怡

然獨處死時年六十九祔於公之側子三人長浦也

曰鑑曰滂皆早卒女二人孫男曰景大女二人某於

左帑有鄉黨遊沒之舊知通直公行為詳

鄭宗

能賢

鍾此德美

駟車有翩

卓彼馬鬣

視此銘鐫

公侯其先

學仕

後嗣是傳

益恭益謹

双峰之原

聞禩四百

所積者專

高大其門

有赫有延

過者必敬